

元始无量度人上品妙經卷之四

永延劫運保世升平品

道言昔於皇靈天中妙化飛音大黎樂土受元始度人永延劫運保世升平无量上品元始天尊當說是經周迴十過以召十方始當詣座天真大神上聖高尊妙行真人無鞅數眾乘空而來瑞彩瀾漫靈香飛空龍車紫蓋交映拱扶流霞輝煥洞朗萬天九日九夜諸天浮蓋圓象森羅樞斗一時停機二景合光八極廓清湛然澄瑩一國山林川澤淵藪緬平蔚蒼無不華明土皆作柔玉光照凝鮮無有異色眾真侍座元始天尊玄坐太空九色玄龍寶局之上說經一徧諸天大聖同時稱善萬物民人

道藏輯要

度人妙經

七

角集一
x61

咸皆遂性說經二徧物無札癘民息憂虞說經三徧人安其化無所爭求說經四徧時稱豐樂不識災凶說經五徧萬方率服遐邇同風說經六徧禽魚胎卵各保生成說經七徧麟鳳來儀天地應祥說經八徧至德熙洽民物還淳說經九徧國君王侯永保世續說經十徧普天率土咸證道妙是時一國是男是女莫不傾心皆受護度咸得長生

道言是時元始天尊說經一徧東方无極无量品延劫保世至真大神無鞅之眾浮空而至說經二徧南方无極无量品延劫保世至真大神無鞅之眾浮空而至說經三徧西方无極无量品延劫保世至真大神無鞅之眾浮空而至說經四徧北方无

極无量品延劫保世至真大神無鞅之眾浮空而至說經五徧
東北无極无量品延劫保世至真大神無鞅之眾浮空而至說
經六徧東南无極无量品延劫保世至真大神無鞅之眾浮空
而至說經七徧西南无極无量品延劫保世至真大神無鞅之
眾浮空而至說經八徧西北无極无量品延劫保世至真大神
無鞅之眾浮空而至說經九徧上方无極无量品延劫保世至
真大神無鞅之眾浮空而至說經十徧下方无極无量品延劫
保世至真大神無鞅之眾浮空而至十徧周竟十方无極天真
大神一時同至一國男女傾心歸仰來者萬億普徧方土咸皆
欣願來詣天尊觀聽上法洞達妙無劫運綿長保世升平萬國
道藏輯要

度人妙經

卷

角集一
又天六

歸依天人和同無鞅之眾迂國一半土皆徧陷非可禁止於是
元始凝目斂神飛出妙氣結爲圓光大如赤日在空玄之中去
地九丈元始登引天真大神上聖高尊妙行真人十方无極至
真大神無鞅數眾俱入圓光之內天人仰看惟見拂拂從光明
中入旣入圓光不知所在國人廓散地還平正無復歆陷元始
卽於圓光之內說經都竟眾真監度以授於我當此之時延度
劫數保世升平福德無量道法自然萬彙樂育喜慶難言法事
粗悉諸天復位倏歟之間寂無遺響是時天人遇值經法普得
濟度全其本年無有中傷傾土歸仰咸契大道無天無閼無患
無殃無爭無擾無惡無邪無徧無黨意無貪欲心無怨憎齊同

慈愛異骨成親國安民豐欣樂太平經始出教一國以道預有
至心宗奉禮敬永延劫運

道言元始天尊說經中所言並是諸天上帝內名隱韻之音亦
是魔王內諱百靈之隱名也皆至道之神機天地之密文可以
永延大小劫運保世升平帝享萬厯民物咸亨非世之常辭上
聖已成真人通玄究微能悉其章誦之十過天地合泰運度無
愆三災消革五氣常平善瑞咸臻帝祚綿昌至學之士誦之十
過則身躬永固命運長延保世億齡感真致仙濟度垂死絕而
得生所以爾者學士道氣未純體未合靈召制十方威未制天
政德可伏御地祇延度災衰但卻死而已不能更生輕誦此章
道藏輯要

度人妙經

堯

角集一

又方上

身則被殃供養尊禮門戶興隆世世昌熾與善因緣萬災不干
神明護門斯經尊妙獨步玉京保延无量爲萬道之宗巍巍大
範德難可勝

道言凡誦是經十過諸天齊到推延妙氣制水伏火不得凌犯
劫運永長無有時災永保升平凡學至經功滿德就皆能保衛
成其至治欣樂年豐也上學之士修誦是經外保六合內保一
身內外一理同獲永延小大蒙福幽顯被恩此經微妙保衛無
窮一切天人莫不受慶无量之福萬劫蒙惠上天所寶不傳下
世至士齋金寶效心盟天而傳輕泄漏慢殃及九祖長役鬼官
侍經五帝玉童玉女各二十四人營衛神文保護受經者身

道言正月長齋誦詠是經歷劫萬世數會無窮道化長存七月
長齋誦詠是經消除乖沴召致福祥十月長齋誦詠是經爲國
王帝主君臣父子安鎮國祚保天長存世世不絕常爲人君安
鎮其方民稱太平八節之日誦詠是經永延劫運保世升平身
受道德祖禰超登得爲九宮二天真人離合之日誦詠是經普
濟生靈咸獲福壽擾競永消普世率甯萬神鎮衛五帝司存晏
眊無窮以度億齡

道言行道之日皆當香湯沐浴齋戒入室東向叩齒三十二
通上聞三十二天心拜三十二過閉目靜思身坐青黃白三
色雲氣之中內外翕冥有青龍白虎朱雀玄武獅子白鶴羅
道藏輯要

度人妙經

卒

角集一
川名入

列左右日月照明洞煥室內項生圓象光映十方如此分明
密呪曰

无上玄元太上道君召出臣身中三五功曹左右官使者侍香
玉童傳言玉女五帝直符直日香官各三十二人關啟所言今
日吉慶長齋清堂修行至經无量度人願所啟上徹徑御

无上三十二天元始上帝至尊几前

畢

引炁三十二過東向誦經

元始無量度人上品妙經

元始洞玄靈寶本章上品妙首十回度人百神隱韻離合自然
妙化玉真高玄上神孕育元氣融結萬天開明華景和合陰陽
陰陽合變五運推行寒暑代遷萬化生成冥冥大範妙數該通
盛衰周布各有窮極陽九百六水火相厄號曰劫災造化俱忒
大劫所交水火蕩焚乾坤滅景惟道獨存元始安鎮瓊書上篇
總真命靈檢校諸天星宿分度軌運無愆攝召蛟龍負塞河源
東井不傾江海停淵統持世界各有真神衛世之君太平高尊
五靈玄老三氣丈人中有護國十方大聖永制劫仞度厄尊神
回災散禍保世清貞今日宣布諸天臨軒

道藏輯要

度人妙經

卷

角集一
×

東方无極飛天保延世劫神王長生大聖无量度人
南方无極飛天保延世劫神王長生大聖无量度人
西方无極飛天保延世劫神王長生大聖无量度人
北方无極飛天保延世劫神王長生大聖无量度人
東北无極飛天保延世劫神王長生大聖无量度人
東南无極飛天保延世劫神王長生大聖无量度人
西南无極飛天保延世劫神王長生大聖无量度人
西北无極飛天保延世劫神王長生大聖无量度人
上方无極飛天保延世劫神王長生大聖无量度人
下方无極飛天保延世劫神王長生大聖无量度人

十方至真飛天神王永延劫運保世升平无量大神並乘靈瑞
祥雲明霞寶輿翠蓋華輪驂駕玉龍侍衛辟邪建紫旄之節雲
錦神旛前嘯鸞歌逸響後吹簫籟相和普天稱慶莫不欣歡金
童散香玉女翼轅安天大將赤甲萬兵齊麾並驅擁衛高真保
度劫災蕩熄祆氛三元正吏九天上靈統化元老安鎮大神檢
校運會簡奏帝前陰陽滯結隨應開宣幹旋大紐檢極靈關歷
數相厄回順彌綸水火流布生成自然超凌安泰杜絕災原凶
勃殄滅萬慶咸臻不容乖忒無招禍愆靈寶玉字安鎮劫延君
民安泰億劫長存乾坤靜肅日月合明昆蟲遂性至化無邊神
真協贊世祚長年與道齊德功歸萬天越度三災福祿純全億
兆無爲逍遙太平太平之機總攝上玄無色之境梵行

道藏輯要

度人妙經

卷

角集一
川名又

東方八天

羲明照正天

帝殊師彥希

泰智雲陽天

帝妙定無災

昌機游玄天

帝肇初茲成

魯思元舉天

帝莊華永恩

玄章變梵天

帝無寂阮監

韶動希音天

帝陽浴利生

度生救靈天

帝辯混持雷

周井虛秦天

帝雲梁藻彌

南方八天

朱海霞藏天

帝皓塞冲圖

瑤扈璇侶天

帝祭勤董猷

利正京符天

帝晉句頤澤

六常賓懇天

帝九方眞童

呼恥更回天

帝保紀定明

魁神總令天

帝捧罡飛霄

抱日慶交天

帝確生鼎孚

量平文珙天

帝瑟那東

西方八天

道藏輯要

度人妙經

卷三

角集一

察非正憲天

帝崇四欽靈

兆籍羅公天

帝斬殄斗兵

楮牧妙覩天

帝陋都內眞

幹定道庸天

帝樂明報先

龍羅竦持天

帝漂粗尉宜

侯宿推霞天

帝大微亮宗

道至玉翰天

帝祈明俱唐

上虛寶有天

帝曲擇會房

北方八天

沈淵泛生天

帝廣侯無希

冥回杳迹天

帝魏覽變祥

羽演婁籍天

帝居門雲芒

淵靈浪元天

帝土狻庚驅

遼微斷極天

帝鑑伯真侔

鼎煇召氣天

帝屢無邁規

酌并傲冥天

帝擢寒連

妙微毘定天

帝道驗中皇

三十二天三十二帝諸天隱諱諸天隱名天中空洞自然靈章

諸天隱韻天中之音天中之尊天中之神延劫大魔天中之靈

和會帝氣統化上清元量之奧深不可詳敷教神霄保衛無窮

道藏輯要

度人妙經

卷

角集一

今日欣慶受度歷闢諸天統御劫化保世升平開延紀歷氣運
無愆混合太乙回度五行歲星衛生太白司成辰星藏養熒惑
敷榮鎮星中主皇一周行青靈定仁皓靈輔義丹靈贊禮玄靈
衛智中央元老恢張冲氣東皇大神木祆蕩蠶南真大神炎禍
甯極白帝大神金兵消革元晶大神玄會合德中皇大神總御
符靈五方十界萬道之神握鈴仗鉞嚴衛億千鼓運化綱召制
神真歷劫天地保鎮不傾二十八宿抗禦四躔中斗臨向弭禍
開生四序旋列寒暑循環陰陽輪轉怪沴勿干大劫至期辟卻
災羣五河主宰溟泠大神促令檢錄開除水津元始符告敢有
稽停攝送上官所誅無存姦邪喪氣祆亂滅根世受大福道化

澄清永載慶昌仁善興隆普推眾妙同升上宮順扶歷數列奏
高空元始大梵三氣推延分判二象植立萬天神靈羅布造化
生成生成陶育五氣流行六氣代遷榮謝相仍氣運否塞大劫
纏綿命有數會水火風災華燿墮沒生靈滅根溟滓幽寥三景
藏輝善惡無別凶咎交馳元始安鎮福德自然靈書大策寶錄
上篇促召諸天十方大神統握玄圖綿綿不窮範圍道氣妙用
開通神綱經緯運劫法輪樞轄造化常保元貞靈風鼓扇八極
和平和氣沖融善瑞咸臻敷揚天政歷奏上真真中有神長生
大君神霄後聖青華帝君東極西臺左右仙卿執符定簡以保
希夷威明將吏掃絕百非上奉九天下制三災四維八區一德
道藏輯要

度人妙經

卷

角集一
八二八

咸歸邪穢蕩盡魔癘折摧億萬斯載富樂又寧不容姦慝上善
日新忠良輔化與道合明道貴保延无量劫津悉除鬼盜風火
無停海宇清謐天地廓澄慶逮幽壤滯爽超登沈魂滅對釋解
冤愆純化蕩蕩稱讚諸天諸天大聖咸喜歡言中爲空洞謠歌
之章魔王靈篇辭參高真

第一欲界飛空永劫之音

神化恢張

吉慶方亨

邪道滅兮

嘉祥來臻

天道昭昭

息絕祲氛

仁善歸至德

姦凶造惡根

貪愛忘真守

天經錯謬行

勿使成華愆

當令保太平

惡魔樂殘敗

傷困勞生靈

擾我清淨境

怨毒苦相仍

高上玉清王

賜我靈寶章


攝制綿長劫

常膺無上功

真風既蕩蕩

世祚日興隆

紫清降福洞微天尊永劫寶符



道藏輯要

度人妙經

卷

角集一
一五八

第二色界魔王延運之章

混沌乾坤

歷運無常

陰陽否愆

厄塞劫津

劫災所至

水火蕩焚

萬景三辰

冥冥莫存

賴我眾靈

安鎮普天

推延大紀

解釋災根

調御四氣

寒暑相和

人何知此

以享我恩

禍害沈息

清晏自然

此時樂兮

護度億齡

煌煌羣生

一合俱真

上帝寶符

敷落山川


宗社寧肅

永保太平

善應元吉

我道常尊

太皇萬福天尊延運寶符



第三無色界魔王保世歌曰

三天之上

萬景之宗

元皇統御

道藏輯要

度人妙經

卷

角集一

我界所崇

勅制神靈

保衛天根

三災化蕩

八道清明

劫輪無滯

順化流行

檢校星躔

宿度悉分

我奉帝符

勅制魔羣

敢有姦橫

陽光激燄

太平開化

安鎮長存

永膺福慶

後天無傾

造化玄樞

上攝天機


若不知此道

何以登真梯

無令逢運會

羣祇得放威

太平護國天尊保世真符



已上三符以金銅鑄安闕門殿廡之上大吉學道者佩服延年卻災度厄丹書赤紙如科

此三界之上飛空之中真魔謠詠之音音參洞章受之永延劫運帝祚克昌誦之百徧消卻時災誦之千徧魔王衛靈萬徧道

道藏輯要

度人妙經

卷

角集一

備億世升平保度劫化萬凶催傾有聞靈音魔王敬形剋制地祇侍衛神真臣民康樂超脫禍難福慶大來莫不咸臻是謂无量保度无窮有祕上天文諸天共所崇泄慢墮地獄禍及七祖翁

道言此二章並是諸天上帝及至靈魔王隱祕之音皆是大梵之言扶佑劫運衛世降祥招真致神惠民安國言無韻麗曲無華宛故謂玄奧難可尋詳上天所寶祕於神霄玉清玉府經室華堂應運六萬劫下傳若有至人齋內寶質心依舊格告盟九天然後而付焉

道言夫天地運度亦有否終日月五星亦有虧盈劫數世運亦

有促延至聖神人亦有休否未學之夫亦有疾傷凡有此災同氣皆當齊心修齋六時行香十徧轉經福德立降消諸不祥无量之文普度无窮

道言夫未學道淺或仙品未充運應滅度身劫將終神經太陰臨過之時同學至人爲其行香誦經十過以度尸形如五鍊生尸法魂神經上南宮度名天機之省隨其學功計日而得更生轉輪不惑便得神仙

道言夫天地運終亦當修齋行香誦經星宿錯度日月失昏亦當修齋行香誦經四時失度陰陽不調亦當修齋行香誦經大小劫終五運改易世紀延續亦當修齋行香誦經疫毒流行兆民死傷亦當修齋行香誦經稼穡不登亦當修齋行香誦經夫齋戒誦經功德甚重上消天災保鎮帝王下禳毒害以度兆民生死受賴其福難勝故曰无量普度天人

道言凡有是經能爲天地帝主兆民行是功德有災之日發心修齋燒香誦經十過皆諸天記名萬神侍衛右別至人尅得爲聖君金闕之臣諸天記人功過毫分無失天中魔王亦保舉爾身得道者乃當洞明至言也

諸天中大梵隱語无量音 道君撰
元始靈書永延劫運護世太平玉篇

鬱羅高張

化運玄庸

厯普緣世

憫憤慈宮

幸祐夷拱

敷卓姦求

輅傲提攸

覺祖沂鉤

祝屠覩需

琳局鄙幽

大格省急

宰錄并由

獻嶽遶塞

雲業道解

錫疇帝房

畧勿鋤諫

南方八天

褒堯儲祈

星簡昉泰

神音謹忱

醺伯呼在

漠延徂墀

伐靈力心

第粵著延

高始耿亨

昭符江愬

道藏輯要

度人妙經

丰

角集一

山尸毛樊

乙愬通輻

卷白彼關

升童照腦

精延內鑒

運意神占

寸曠允閑

西方八天

明思彪隨

鐸哥淨淙

瓊阜煙徊

媾茲緣姬

蒙虛遙誠

露液密樂

抱連卯墟

玄冥洞覺

蕪晶縻常

活欲恥孤

熾動命得

無何劫空

定本爲防

眞絕乖當

一同龍初

子胎幻如

北方八天

罔光搖潤

結沫陷海

抽邱擬岡

流漫溢蔓

忽影紛象

興沒降伏

妄有認匪

混獨消止

生恩名慈

伐毒擯非

隨白納祥

天收赴微

繩遠丕固

糅糞邈窺

榮竟弗悼

諱契啟施

道言此諸天中大梵隱語无量之音舊文字皆廣長一丈天真
皇人以絳玉之簡刻書其文以爲正音布諸臺闕及太微紫微
館室之上以攝大小劫運世數水火克復不祥有知其音能齋

道藏輯要

度人妙經

圭

角集一
川百

而誦之者諸天皆遣飛天神王下觀其身書其功勤上奏諸天
萬神朝禮地祇侍門大勳真王保舉上仙道備尅得遊行三界
升入金門此音無所不辟無所不禳無所不度無所不成天真
自然之音也故誦之致飛天下觀上帝遙唱萬神朝禮三界侍
軒羣祇束首鬼精自亡琳琅振響十方肅清河海靜默山嶽吞
烟萬靈振伏招集羣仙天無氛穢地無祲塵冥慧洞清大量玄
玄也